

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Zakonodavno - pravna komisija

Broj: 02/2-02-2472/24
Sarajevo, 16. 1. 2025. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:		16 -01- 2025	
Org. jed.	Broj	Priloga	Vrijednost

Na osnovu člana 46. a u vezi sa članom 56. Poslovnika o radu Doma naroda Parlamenta Federacije Bosne i Hercegovine, Zakonodavno-pravna komisija Doma naroda Parlamenta Federacije Bosne i Hercegovine, na 13. sjednici održanoj 16. januara 2025. godine, razmatrala je:

- Prijedlog zakona o gasovodu „Južna interkonekcija Bosna i Hercegovina i Republika Hrvatska“ (predlagači: delegati Kluba delegata bošnjačkog naroda u Domu naroda) – hitni postupak

Na osnovu člana 51. Poslovnika o radu Doma naroda Parlamenta Federacije Bosne i Hercegovine, Komisija podnosi Domu naroda sljedeći

IZVJEŠTAJ

- Prijedlog zakona o gasovodu „Južna interkonekcija Bosna i Hercegovina i Republika Hrvatska“ (predlagači: delegati Kluba delegata bošnjačkog naroda u Domu naroda) – hitni postupak

Ustavni osnov za donošenje Zakona o gasovodu „Južna interkonekcija Bosna i Hercegovina i Republika Hrvatska“ sadržan je u članu III. tačka f), koji je izmijenjen amandmanima VIII, LXXXX i CVI na Ustav Federacije Bosne i Hercegovine, i članu IV. A.20. (1) d) Ustava Federacije Bosne i Hercegovine prema kojima je u isključivoj nadležnosti Federacije utvrđivanje energetske politike, uključujući raspodjelu između kantona, te osiguranje i održavanje potrebne infrastrukture, a Parlament Federacije Bosne i Hercegovine, uz ostala ovlaštenja predviđena Ustavom, odgovoran je za donošenje zakona o obavljanju dužnosti federalne vlasti.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK I

Komisija je u općem pretresu utvrdila da su ispunjeni uslovi iz člana 186. stav 2. Poslovnika o radu Doma naroda Parlamenta Federacije Bosne i Hercegovine, kojim je propisano da po hitnom postupku može da se donese samo zakon kojim se uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo da izazove štetne posljedice za Federaciju.

ZAKLJUČAK II

Komisija je u općem pretresu utvrdila da postoji ustavni osnov i nema primjedbi na Prijedlog zakona o gasovodu „Južna interkonekcija Bosna i Hercegovina i Republika Hrvatska“ (predlagači: delegati Kluba delegata bošnjačkog naroda u Domu naroda) – hitni postupak , te predlaže Domu naroda da naprijed pomenuti Prijedlog zakona razmotri i usvoji u tekstu kako je i predložen.

PREDSJEDNIK KOMISIJE

Haris Zahiragić, s.r.

